

BIZIKASI EKIMENA

- **HELBURUA:** bizikidetza positiboa eta ustezko jazarpen egoeren aurrean zero tolerantzia duen eskola seguru bat eraikitzea.
- **GATAZKAK EDO TRATU TXARRAK:** ikasleen artean sortzen diren borrokak edo haserreak jolas baten ondorioz adibidez, intentzio txar gabekoak. Horrek ez du esan nahi eskolan partetik ez dala egongo esku hartzerik. Elkarbizitza proiektuan markatzen diren pausuak jarraituko dira.
- **JAZARPENAK:** ikasle bat behin eta berriro, la egunero, epe luzean, beste ikasle baten edo batzuen ekintza ezkorrean menpe dagoenean. Erasotzeko eta min egiteko asmoa dute. Ikaslea babesgabeko egoeran dagoenean eta irakasleek ikusten ez dutenean.
MOTAK: fisikoak, ahozkoak, bazterketa soziala, arrazakeria, homofobia, ciberebullying.





NOLA DETEKTATU ZERBAIT GERTATZEN DELA

- Min ezberdinak somatizatzea
- Etxera joateko nahia
- Ohituren aldaketak (eskolara joateko, lagunekin)
- Aldaketak eskolako errendimenduan
- Aldaketak jateko eta lo egiteko ohituretan
- Arropa edo materialen kalteak, ubeluneak, zauriak
- Beste ume txikiagoak mehatxatu edo erasotu
- Ezer ez zaiola gertatzen esatea aurreko puntuetan agertzen dena justifikatzeko, txarto sentitzen dela ukatzea



IDEIA FALTSUAK JAZARPENAREN INGURUAN

- Umeen gauzak direla eta gainera izaera gogortzeko dela.
- Biktimak merezi du.
- Defendatzeko erantzuteko erarik onena erantzutea da.
- Mutilen kontua dela, eraso zuzena erabiltzen dute eta gehiago ikusten da.
- Erasotzaileak familia desestrukturatueta bizi dira
- Biktimak ahulak eta indargabeak direla
- Hobe da ikusle moduan gelditzea.
- Biktimak bakarrik behar du laguntza eta erasotzaileak zigorra.



INAZIO ZUBIZARRETA HLHI

INDARKERIARIK GABEKO GUNEA.

(Gurasoentzako gida)



PROTOKOLOAK (EZ DIRA GELDITZEN IKASLEEN ESPEDIENTEAN INOIZ)



Gatazkak edo tratu txarrak (eskolako arautegia)

- Implikatutako ikasleekin hitz egitea, ez bada oso larria adostokiak erabiltzen dira beraien artean konpontzeko.
- Arazoa konplexuagoa bada gertaera jasotzeko eranskina betetzen dute, beraiek jartzen dituzte neurri zuzentzaileak eta eroaten dute etxera gurasoak jakitun egoteko eta sinatzeko. **Etxean ikaslearen aurrean ez duzue inoiz erakutsiko ezadostasunik sinatu eta eskatu ordua tutorearekin edo zuzendaritzakoekin.** Horrela ez bada konpontzen, Elkarbizitza Batzordeak erango du kasua.
- Hiru aldiz errepikatzen bada jarrera desegokia Elkarbizitza batzordera eroaten da kasua larria bihurtu delako.

Ustezko jazarpen kasuetan (Hezkuntza Ikuskaritza)

- Jazarpenaren berri edozeinek eman dezake zuzendaritzan edo tutorearen bidez.
- **0 eranskina** betetzen da. Ez dago elkarriketarik. Zehatz mehatz idazten da entzundakoa eta zuzendaritzak informatzen du ze nolako babes neurriak hartuko diren.
- **Berritzegune eta Ikuskaria** jakitun jartzen dugu momentuan.
- **Talde dinamizatzailea** biltzen da, behaketa egiten da eta **1.eranskina eta A txostena betetzen da** behaketa datuekin eta erabakiarekin eta gurasoak informatzen dira.
- Jazarpena dagoela baieztatzen bada 22 egunetan **B txostena** betetzen da. Kasu biei hezkuntza erantzuna dagokie

EKIMENAREN FASEAK

Eskolak dituen tresnak

1.FASEA: probentzioa eta prebentzioa

- Hezkuntza komunitatea informatzea.
- Talde dinamizatzailea osatzea (zuzendaria, ikasketa burua, aholkularia, eta Elkarbizitza arduraduna) jazarpen kasuak eramateko.
- Behatokia, eskolako elkarbizitza positiboa sustatzeko.
- Jarduera mailakatuak zehaztea indarkeriarekin bukatzeko.

2.FASEA: jazarpen aurreko esku hartzea

- Arrisku egoerak identifikatzea planifikatutako jarduerekin, bereziki diseinaturik daudenak honako egoetarako.

3.FASEA: Ekimenaren ebaluazioa eta jarraipena

- Aukeratutako jarduerak eta haien emaitzak ebaluatzea hobetzeko asmoz.

ZER EGIN DEZAKEZUE...

...zuen seme-alaba **BIKTIMA BADA:**

- Entzutea, sinestea eta zehaztasunak idaztea.
- Zuen kezka adierazi eta laguntza eskaini.
- Neurtu ondo garrantzia eta larritasuna.
- Inoiz ez jarri ustezko erasotzailearen edo bere gurasoen aurrean errieta egiten
- Eskatu batzar bat tutorearekin kontatzeko dakizuna.
- Sentitzen baduzue tutoreak ez duela kontuan hartzen, zuzendaritzarekin hitzordua eskatu.

... zuen seme-alaba **ERASOTZAILEA BADA:**

- Lehenengo onartu behar duzue.
- Laguntza eskaini, norberen eskubideak defendatu besteenak errespetatuz.
- Galdetu zein izan daitekeen arrazoia, eta lagundu sortzen duen minaz jabetzen.
- Tutoreari komentatu dakizuna, elkarrekin adostu ekintza zehatzak, guraso eta irakasleak batera jarrera desegokia gelditzeko.
- Eman aukerak gauzak ondo egiteko eta saritu.

ZER EZ DUZUE EGIN BEHAR



- Indarkeria erabili erasotzaile edo bere gurasoen kontra.
- Saiatu zuek bakarrik arazoa konpontzen. Tutorearekin edo zuzendaritzarekin hitz egin.
- **KONFIDENTZIALTASUNA EZ GORDE.**